



partii naleraq

UPA 2016/093-00

25.05.2016

Meeqqani inuusuttunilu hashimik imigassamillu atorneerluinerup qanoq pitsaanerpaamik pinaveersimatinnissaanut akiornissaanullu oqallisissiaq aallaavigalugu oqalinnissamut siunnersuut.

(Inatsisartuni ilaasortat, Naaja H. Nathanielsen, Attaviitsoq aamma Agathe Fontain, Inuit Ataqatigiit)

Inatsisartunut ilaasortat, Naaja H. Nathanielsen, Attaviitsoq aamma Agathe Fontain, Inuit Ataqatigiit - Meeqqani inuusuttunilu hashimik imigassamillu atorneerluinerup qanoq pitsaanerpaamik pinaveersimatinnissaanut akiornissaanullu oqallisissiaq aallaavigalugu oqalinnissamut siunnersuutaat Partii Naleqqamiit imannak oqaaseqarfigissuarput.

Siunnersuuteqartut ilumoorluinnarput, ”Siusissukkut iliuseqarneq” pisariaqartorujussuummat, tassami ajornartorsiut sunaangaluarpalluunniit, ajornartorsiutit pilinnginnerani pinaveersimatinneqarnissaat pisariaqarluinnarmat.

Taamaattumik ajornartorsiutit suulluunniit sapinngisamik pinaveersimatinneqassappata, siullerpaatut uagut angajoqqaat pisussaavungut meeqqavut pitsaanerpaamik, ajornanngippallu ajornartorsiutinut sunulluunniit pinaveersimatinnissaannut illersussallugit.

Tassami soorlu siunnersuuteqartut oqaatigingaat, nunatsinni inuppassuit imigassamik, hashimik imaluunniit tamanit atorneerluisuusut. Tamanna inunnut ataasiakkaanut, ilaqutariinnut inuiaqatigiinnullu annertoorujussuarmik nammakkiisoq.

Aamma siunnersuuteqartut ilumoorluinnarput oqaramik Inuiaqatigiinni imigassap hashillu taamak annertutigisumik akuunera minnerpaanngumilluunniit iluaqutissartaqanngitsoq.

Tassami ullutsinni imigassamik ikiaroorartumillu atorneerluinerup sumiiffiit ilaanni annertoorujussuannangorsimanerata takutippaa, allaat meeqqat ukiukitsut ikiaroorartumik atuisalersimasut.

Ineriartorneq taamaattoq illua-tungaanut saatinniartariaqarparput sapinngisarput tamaat atorlugu.

Ilemi allaat ikiaroorartup ima atsigisumik ajornartorsiutaalerneranut takussutissat ilagaat, inuusuttunnguit tarnikkut nappaateqartartut aamma amerlisimanerat.

Pissutsit taama iliartornerat ernumanartorujussuuvoq.

Taamaattumik ajornartorsiutit akiorniarneqarnerannut tamatta angajoqqaajusugut suleqataasariaqarpugut.

Nunatsiini inupparujussuunngilagut, taamaattumik siunnersuuteqartut assersuutitut taasaat, tassa assersuutigalugu, inuk suliffeqanngitsoq pigissaartuuppat, immaqa bililik, illut imaluunniit allanik akisuunik pigisaqarpat, taava pisortat, soorlu akileraartarnermut aqutsisoqarfik, politiit – misissuinissaminut inatsisitigut isumannaatsunik toqqammavissinneqartariaqartut isumaqarpugut.

Tassami inuiaqatigiinni ajornartorsiut taama angitigitillugu alliartuinnartillugulu, ikiaroorntumik atornerluinermik akiuiniarneq periarfissat tamaasa atorlugit ingerlanneqartariaqartoq isumaqarpugut.

Isumaqarpugut meeqqat atuariiini ilinniarninilu aamma paasititsiniaanerit suli annertunerusut ingerlanneqartariaqartut.

Paasissutissat maannakkut pisavut qujanartumik ajortuinnaangitsut takusinnaavarput, tassami misissuisitsinermit 2005-2014, arnat piffissami tassani ikiaroorntumik atuisarnerat malunnaatilimmik appariarsimasoq, taamaattumik ikiaroorntumik akiuiniarnerut nukittorsarneqarnissaanut nukissaqarpugut.

Uanilu arnat eqqartorneqartut nersualarlugillu qutsigisariaqarpavut, taakkuummatami nukissanik tunisisut.

Aamma takusinnaavarput ikiaroorntumik atornerluisut akornanni, ilinniagaqarsimannginneq suliffissaaleqinerlu ajornartorsiutinut nakkaannarfiunerusarsimasoq. Taamaattumik suliffissaqartitsineq, minnerunngitsumillu inissaqartitsineq aamma ajornartorsiutinik akiuiniarnermut isumalerujussuusut oqaatigineqartariaqarpoq.

Peqqinnissaqarfiup arnanik naartusunik misissuinermini arnat naartusut sapinngisamik ikiaroorntumik allanillu aanngajaarniutinik atuinerup kingunipilugisinnaasai pillugit oqaloqateqartarnissamik periarfissiisarnera taamatullu ingerlatsisarnera nersualartariaqarpoq.

Naalackersuisut timersoqatigiit kattuffiat suleqatigalugu timersortartut ikiaroorntumik atuisimannginnissaannik misiliisitsisalernissamik suliniuteqarnerat taperserparput.

Naggataatigut Peqqissutsimut naalackersuisoq qutsavingaarput Katuami oqallititsinermit nuannersumut, isumaqarpugut oqallititsinerit taamaattut amerlanerusariaqartut.

Taama naatsumik oqaaseqarluta Naalackersuisut hash-i akiorniarnilugu nun tamakkerlugu iliuusissatut pilersaarutaat tamakkiisumik taperserlugu, siunnersuuteqartut qutsavigaangut oqallisissiamik saqqummiussaqaarmata.

